



Republika e Kosovës
Republika Kosova-Republic of Kosovo
Komuna e Prishtinës
Pristina Obstina-Municipality of Pristina



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "ES Industry" Sh.P.K. të datës 26.06.2023 kundër njoftimit mbi vendimin e datës 19.06.2023 për anulimin e aktivitetit të prokurimit me titull "Furnizim me autovetura për nevojat e KPSH - Ritender" me nr. të prokurimit 616-23-4972-1-2-1 dhe nr. të brendshëm 616-23-105-121, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

V E N D I M

- I. **REFUZOHET** kërkesa për rishqyrtim e operatorit ekonomik "ES Industry" Sh.P.K. e datës 26.06.2023 kundër njoftimit mbi vendimin e datës 19.06.2023 lidhur me aktivitetin e prokurimit me titull "Furnizim me autovetura për nevojat e KPSH - Ritender" me nr. të prokurimit 616-23-4972-1-2-1 dhe nr. të brendshëm 616-23-105-121.
- II. **AUTORIZOHET** autoriteti kontraktues - Komuna e Prishtinës që të vazhdoj me aktivitetin e prokurimit të përcaktuar si në pikën I të këtij vendimi.
- III. **NJOFTOHET** operatori ekonomik "ES Industry" Sh.P.K. si dhe të gjitha palët tjera të interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "ES Industry" Sh.P.K. (tutje "parashtruesi") me datë 26.06.2023 ka paraqitur kërkesë për rishqyrtim kundër njoftimit mbi vendimin e datës 19.06.2023 lidhur me aktivitetin e prokurimit me titull "Furnizim me autovetura për nevojat e KPSH - Ritender" me nr. të prokurimit 616-23-4972-1-2-1 dhe nr. të brendshëm 616-23-105-121.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet e parashtruesit janë cituar si në vijim:

- *“AK ka shkelur nenin 28 të LPP-së pasi që nuk i ka respektuara kërkesat e përcaktuara në dosjen e tenderit që i ka përcaktuar bazuar në nenin në fjalë. E themi këtë sepse AK na ka eliminuar nga konkurrenca me arsyetimin se nuk e kemi ofruar kubikazhën e motorit siç ata e kanë kërkuar dhe se nuk e kemi ofruar fuqinë e motorit siç ata e kanë kërkuar. Kjo nuk qëndron fare sepse ne e kemi ofruar motorin që i plotëson mjaftueshëm kërkesat e Aneksit 1 të dosjes së tenderit dhe për më shumë ato i tejkalojnë specifikimet e AK-së pasi që janë edhe më të avancuara se sa janë kërkuar... Produkti që ne kemi ofruar posedon vëllimin e motorit më të madh për 8.95% (që konsiderohet favor për AK-në) si dhe posedon fuqinë e motorit më të lartë për 4.61% (që gjithashtu konsiderohet favor për AK-në) më të lartë se sa AK e kishte kërkuar”.*

Duke u referuar te pretendimet si më sipër, parashtruesi konsideron se autoriteti kontraktues ka shkelur nenin 7, 28, 59 dhe 62 të LPP si dhe nenin 37 të RPPP.

Autoriteti Kontraktues - Komuna e Prishtinës përmes zyrtarit përgjegjës të prokurimit me datë 29.06.2023 ka trajtuar kërkesën e parashtruesit për rishqyrtim.

Lidhur me pretendimin e parashtruesit: fillimisht duhet cekur që në raportin vlerësues të datës 19.06.2023 është evidentuar se komisioni i vlerësimit ka gjetur se në këtë aktivitet të prokurimit nuk ka pasur asnjë tender të përgjegjshëm. Rrjedhimisht me datë 19.06.2023 Autoriteti Kontraktues ka nxjerrë njoftimin mbi vendimin për anulimin e aktivitetit të prokurimit. Ky vendim si i tillë gjen mbështetje në nenin 43 paragrafin 43.5 të Rregullores nr 001/2022 për Prokurimin Publik është përcaktuar se *“Procedura e prokurimit pas hapjes së ofertave duhet të anulohet nëse asnjëri prej tenderëve të pranuar nuk është i përgjegjshëm”.*

Sa i përket ofertës së parashtruesit, sipas letrës standarde për tenderuesin e eliminuar bazuar në të gjeturat e komisionit vlerësues, parashtruesi përmes ofertës së tij nuk i plotëson kushtet sipas specifikimit teknik në Aneksin 1 të DT për arsye se *“vëllimi i motorrit është kërkuar të jetë 2000 cm³ ndërsa parashtruesi ka ofruar vëllimin e motorrit me 2179 cm³”* si dhe *“fuqia e motorrit është kërkuar të jetë 130 ps ndërsa parashtruesi ka ofruar fuqinë e motorrit 136 ps”.*

Nga dosja e tenderit në Aneksin 1 - Specifikimet teknike të detyrueshme ndër të tjera është përcaktuar se vëllimi i motorrit duhet të jetë 2000 cm³ ndërsa fuqi e motorrit duhet të jetë 136 PS. Shih në vijim:

Aneksi 1 SPECIFIKIMET TEKNIKE TË DETYRUESHME

Autoambulancë - Specifikat teknike:

- Vëllimi i motorrit - 2000cm³
- Fuqia: 130 PS

Për parashtruesin nuk është aspak kontestues fakti që ai ka ofertuar veturën me vëllim të motorrit 2179cm³ dhe me fuqi 136 PS. Pra as vet parashtruesi nuk e konteston faktin se nuk ka ofertuar sipas specifikave teknike të përcaktuara me aneksin 1 të DT. Pretendimi i parashtruesit është artikulluar ashtu që autoambulanca e ofertuar nga ai është më e avancuar sesa ajo që është përcaktuar me specifikat e DT. Megjithatë parashtruesi nuk ka ofertuar asnjë argument, dëshmi apo provë për të mbështetur pretendimin e tij. Nuk ekziston asnjë dilemë që specifikat teknike janë hartuar nga njësia kërkuese në mënyrë profesionale dhe në përputhje jo vetëm me LPP dhe RRPP por edhe me nevojat e AK. Po të kishte qenë AK i bindur se autoambulanca me vëllim të motorrit 2179 cm³ do të ishte më mirë sesa 2000cm³, atëherë do të kishte përcaktuar në specifika teknike 2179cm³ dhe jo 2000cm³. Ngjashëm edhe sa i përket fuqisë së motorrit, po të kishte qenë AK i bindur se motorri me fuqi 136PS do të ishte më i përshtatshëm sesa me 130PS, atëherë në specifika teknike do të kishte përcaktuar 136PS dhe jo 130PS.


Duhet theksuar që parashtruesi ka pasur mundësi të paraqes kërkesë për rishqyrtim edhe kundër njoftimit mbi kontratë përkatësisht dosjes së tenderit. Me fjalë të tjera parashtruesi është pajtuar edhe me specifikat teknike të DT së tenderit dhe nuk ka kontestuar ato asnjëherë as para dhe as pas eliminimit të tij nga aktiviteti i prokurimit. Përtej këtij fakti parashtruesi nuk e konteston as që oferta e tij nuk i plotëson specifikat teknike sipas aneksin 1 të DT. Rrjedhimisht është eliminuar si i papërgjegjshëm. Por meqë parashtruesi ka qenë ofertuesi i vetëm në këtë aktivitet të prokurimit, Autoriteti Kontraktues ka vendosur për të anuluar aktivitetin e prokurimit në tërësi.

Në këtë mënyrë është gjetur se parashtruesi nuk ka paraqitur argumente të qëndrueshme për të mbështetur pretendimin e tij. Njëkohësisht nga provat materiale të administruara është gjetur se pretendimi i parashtruesit është tërësisht i pabazuar. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik. Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik.

Bazuar në të thënat më sipër është vendosur si në dispozitiv të këtij aktvendimi.

Prishtinë, 29.06.2023

per Visar SHEHU


Ud. Udhëheqës i Sektorit të Prokurimit
Komuna e Prishtinës

Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.

Faqe 3 nga 3

Adresa: Rr. "UÇK" nr. 2, Prishtinë 10000

Tel.: 038-200-40-111

Email: visar.shehu@rks-gov.net